

উৎপলকুমার বসুর পঁচিশটি সাম্প্রতিক কবিতা

[গত দু-এক বছরে লিখিত কিছু কবিতা এখানে আছে। প্রায় সবগুলিই অপ্রকাশিত।
স্বতন্ত্র নামকরণের বদলে সংখ্যানুক্রমে লেখাগুলি সাজানো হল। —উৎপলকুমার বসু]

কবিতা, আমরা জানি, কোনও স্বয়ংসম্পূর্ণ বস্তু নয় ।
 কবিতা পাঠক এবং কবির মধ্যে এক প্রতিক্রিয়া-
 সৃষ্টিকারী পদ্ধতি । এই পদ্ধতিকেন্দ্রিক চরিত্রের জন্ম
 কবিতায় ব্যাকরণ, শৈলী এবং নশ্বরতা তৈরী
 হয়েছে । অপরদিকে প্রতিক্রিয়ার জন্মদাত্রী
 বলে কবিতায় প্রাণ আরোপিত হয় ।
 কবিতায় আমরা প্রায়শঃ শ্বসিত বস্তু
 বা ‘অরগানিক’ অস্তিত্বের চিহ্ন দেখে থাকি ।
 এই দুই কেন্দ্র — অর্থাৎ বস্তু ও প্রাণ,
 ব্যাকরণ ও বিদ্রোহ, শৈলী ও প্রথামুক্তিকে জুড়ে
 রয়েছে এক সেতু যার নাম নশ্বরতা ।
 কবিতার মৃত্যু হয় । লুপ্ত হয় তার ভাষা, সংকেত,
 উপদেশ ও কলাকৈবল্য...

—উৎপলকুমার বসু

১.

লিখিত অনুমতি এসেছিল
তরঙ্গসকাশে
চাঁদ তার টুকরোগুলি জলে নিয়ে ভাসে

দুই পাড় সামান্য রশির
বাঁধনে সংযত
স্থ প্রাণীদের মতো

যা-কিছু চেয়েছি আমি
ঋণপত্রে, প্রত্যয়িত চিঠির নকলে—
তারা চলেছে সকলে

জলে ভেসে— এক সার
অক্ষরের ক্রমে,

চাঁদহাঁস সবার প্রথমে

২.

কী চৈতন্যসুধা
আমি করেছিলাম পান
করেছিলাম ক্ষুধা
নিবৃত্তি ও গান
গেয়েছিলাম সুরহীনা
হীনমন্যতার—
সে এক পাহাড় !

বাঘের আশ্রয়
সম্ভ্রম ও ভাতে,
জ্বালানী আঘাতে
শিখা লেলিহান,
ছায়ার মতন দীনা
দৃশ্য ও দৃশ্যমান যার
এ মৌন আহার ।

রেখে মা দাসীরে
মনে, শিরোমন,
কপোল প্রাবিত নীরে, এই ধন,
এ-ঐশ্বর্য, এ-সংসারতীরে
বহু ক্ষুধা-সমারোহ, বহু তাপ,
আগুনউল্কির ছাপ— যার
কীড়া স্তম্ভতার ।

তাই গাই গান,
ক্ষুণ্ট শব্দে—পাঠ-নিরন্তরে,
যদি বা কঠোরে
কোমলতা পায় স্থান,
তারার আলোর মত
এত দুর্গলিত ক্ষত— ভুলো না আমার
দেহ দেবতার ।

৩.

উড়ন্ত বাঁড়, গজসিংহমুখ,
শিশুকঙ্কাল, সাগরে অনল,
ফলবান মাছ, কাপড়সারস,
পিয়াসী শস্য, মরদুনোযান,
জন্মবিজন ত্বামান্দর
ঐ দেখা যায়, এসো হাত পাতি,
কৃতকরপদুট, বলো জল দাও,

—এইসব নিয়ে হাসির ফোয়ারা

৪.

একদিন আমরা এইখানে মৃতদেহ সমাধি দিলাম আর এই রাষ্ট্রে ফিরে এল
বসন্তকাল

বিষ্ফারচোখ মেয়েরা আর ধাতবকণ্ঠ পুরুষেরা গান গাইল—

ওরা অভিশপ্ত বলেই ওদের গান গাইতে হয়,

ওদের গান শুনতে চায় আঁশ ও ঝিনুকের পাহাড়, প্রবালহাড় ও

জলে-ভেসে আসা নাবিকহীন, পরিত্যক্ত নৌকা—

কোথায় সে-সব লোকেদের মুখ

যারা ছিল অবিনশ্বর, একক এবং তুলনারহিত

আমরা যাকে নিবারণবাবু বলে ডাকাছি উনি সে-ব্যক্তি নন,

শর্মিলাদি আমাদের দেখেও হাত নাড়ছেন না কারণ উনি

শর্মিলাদি নন,

হেয় বাতাসে ঝরে-পড়া পাতার সঙ্গ দলে দলে উড়ছে

সংকতবাহী পতঙ্গ,

তারা অক্ষর সৃষ্টি করে— উড়তে উড়তে তৈরী করে বাক্যবন্ধ

যা আমরা পাঠ করি,

পাঠান্তর হয়

উড়ন্ত অনেক সংজ্ঞা তৈরী হয় যারা পরস্পরকে নাকচ করে,

আমরা তাই নিয়ে তর্ক করি

সম্ভবত এতদিনে বুদ্ধিতে পেরেছি ওরা কারা

যারা আমাদের আগে আগে এগিয়ে চলেছে—

বনবাসী অভিনেতা...যক্ষীপাথর...পিতলের মানুষ...

৫.

এইখানে আমি—

অধোন্মাদ, বজ্রকলঙ্কিত,

উলঙ্গের মুখোমুখি

আরেক বিবস্ত্রা : বলি,

ভালোবাসা, সেকি ভুল ?

লিখে রাখি দেহতাপ, প্রসারমালিনী

এই ফুলবনে শূন্যেছিল,

লিখে রাখি ঘাস

অধিক্য পেয়েছে,

লিখে রাখি কীট

মিথ্যা বলে থাকে, আর

নশ্বরতা বজ্ররূপবান

৬.

শ্বাসকণ্ট উঠলেই বন্ধুতে পারি ফুলডুঙরি পাহাড় আর বেশি দূরে নয়
 নইলে এমন হাঁপাচ্ছ কেন ? কেন অধুনা সারে না ?
 ঐ পাহাড়ের মাথায় উঠলে এ-বছর কী দেখব কে জানে—
 যে-পাথরে আমরা সবাই নাম লিখেছিলাম সে-টি হয়ত
 নিচে গাড়িয়ে পড়ে গেছে,
 যে-জলস্রোত লাফিয়ে পার হয়েছিলাম তাকে ঘুরিয়ে
 চাষজমির দিকে নিয়ে যাওয়ার কথা ছিল—
 যদি তাই হয়ে থাকে তবে আর তাকে আমি খুঁজে পাবো না,
 এইসব ভাবি আর হাসপাতালের বিছানা শুকনো ডালপালায়,
 ছেঁড়া কাগজে আর পরিত্যক্ত সাপের খোলসে ভরে ওঠে—
 এত জঞ্জাল সরাবে কে ? আমি কি সময় করে উঠতে পারবো ?
 আমি তো ফুলডুঙরি পাহাড়ে প্রায় পেঁাছে গেছি ।
 চেপারামের ঘরটা
 এখান থেকে দেখা যাচ্ছে । আরেকটু পা চালিয়ে
 উঠে গেলেই হয়

৭.

জেগে উঠেছে বাতাস তার পূর্বাপর নিয়ে
যেন আমার ছেলেবেলার কুসুমপদুরে বিয়ে

ন-মাসিমার। হে শূকতারা, হে হিমতরাসকল,
ছড়ায় থাকো, ছন্দে থাকো, রৌদ্রবাহী জল

সাঁকোর নিচে জীবিত থাকো, ট্যাঙরা মাছও প্রাণী,
বস্তু শূদ্ধ স্বাশুদুরীমাতা, তাঁর পানের বাটাখানি

বস্তুবাচক। বয়েস হল অনেক, হল বয়েস,
মানুষ বড়ো, বৃক্ষ বড়ো, বড়ো আমার দেশ,

সোলার মধ্যে আগুন, আর আগুনপোড়া খড়,
হেসে বলি ওরে জামাই আমরা যে তোর ঘর

ন-মাসিটি নামেই মাসি, বোনের মত পাজি,
স্বর্গে যাবে, নরকে যাবে, হায়— কুসুমপদুরেও রাজি

জন্মমতো চলে যেতে, যাবেন শ্মশানঘাট দিয়ে
সেথা জেগে উঠেছে বাতাস তার পূর্বাপর নিয়ে

৮.

কেলা, কেলাসিত, কেলামঞ্জরী, জলকেলী, আমি একেলা, কারবাইট
কেলা, মিলিয়ে ফেলা, কেলাবেচা, রথদেখা—

আজ গ্রিশ বছর জাতির সেবায় নিয়োজিতম্, গ্রিষ্কেমালী বেকারীভ্যান,
সনেট মাইক, রুটিওয়ালা ওয়া-ওয়ান্সম, দর্গা রোড, বাবাবনেট,
টারারতন্ত্র, গোপন গ্যারেজ, রুটিওয়ালা পাখপাখালি, রথবাজার,
কাচের কাপ, কাপের প্লেট, গয়গবাক্ষ খাঁচার মধ্যে, ট্যাপের জলে
কপোতাক্ষ, দাঁড়ে-বসানো কপোত আর চণ্ডুহীন বড়ো সারস—

হায় স্ফটিক, বহুমাত্রিক, রৌদ্রকেলাস, রাসায়নিক স্বজনদ্রবন, নেতাজি
সদ্বাষ, মাটির মানদুষ, স্নাতোর জুতো, খড়ের চালে সূর্যকিরণ, বাঁদর
খেলায় সহ্যভালুক—

ভ্রম্ন করে আসতে বলেছিলে ?

যা-কিছু বলো বিকেলবেলায় স্বীকার যাই, মেঘের আলো, জলের
যাঁতা, বৃষ্টিভেজা, রৌদ্রভেজা স্বচ্ছ থালে শূকোতে দেওয়া রক্তটুকু,
জানলা-সিলে, আজও সরল, আলোতরল, না শূকোলে কে জানবে কোন্
বীজাণু, কোন্ চন্দ্রবন, কোন্ কবিতা

৯.

উজ্জ্বল বালিশ আর মেঘে-ঢাকা লেপ
 আঁধার গালিচা, ভৃগু গদ্গদুল রূপালি
 আগুনে পুড়ছে, কোটা থেকে এসেছে পাথর,
 ভূপালের লাল ইঁট, নিচু জমিতে গ্রিকোণ
 গৃহ আজও অসমাপ্ত, গাছ নিম ও ডালিম,
 ডুমুরপাতার ছায়া চমৎকার, বাড়ি কবে শেষ হবে ?

কাম্বাহীন হাসিকাম্বা— এ নাকি উত্তর

১০.

সান্ধ্য উমাকীর্তিবাবু'র চরণাশ্রিত সঙ্গীত
 গাই, নৃপেননায়েব, নারায়ণ
 নাথ, মধ্যপদ নামের যাহার, উমাচরণবাবু'র বেলাই
 কীর্তি' রায়, হালতুরাসী, বর্তমানে শ্রীকালীধামে,
 আখড়াধারী, বলেন 'এ-সব গান-ফানে আর ক'দিন যাবে ?
 মূলাধারে যে-পক্ষটি আছে তাহার ব্যবস্থা
 কেমন বদলাছে ?' 'আজ্ঞে, আপনি ঠিক যেমনটি-সে
 রেখে গেছেন তেমনি আছে, অসুখ-মপশ্য,
 নাকি ঐ-জাতীয় বিভেদকথা,'
 বাবু, মানে কীর্তিবাবু, প্রীত হলেন, এ তো দোয়ারকিদের
 ফাজলেমি নয়, হারমোনিয়াম টেনে নিয়ে রাগ-য়ে বসলেন,
 বাঁশা-তবলায় এই শ্রীষদুত, নৃপেন্দ্রনাথ, সারেঙ্গীতে
 বেণ্টুপদুরী অঘোরচন্দ্র বাবাজীবন, দীর্ঘজীবন,
 হেতুবাদী, যন্ত্রে দড়, বাঁসীজীদের ভেড়ুয়া ছিলেন,
 বছর দশেক আগের কথা, এখন ওনার স্বাধীনবৃত্তি,
 মেটেবুয়ুজে জাহাজ নামান, নিজের বাড়ি,
 উমাবাবু'র গাড়ি ওকে পেঁছে দেবে, আমি কিন্তু
 হেঁটে ফিরব, কাছেই নিবাস, আকাশে ঐ অত তারার
 ভিতর দিয়ে হেঁটে হেঁটে বাড়ি ফিরব,
 কারণ আমার কীর্তিবাবু জীবিত আছেন, উমাবাবু'র অশ'কণ্ট,
 তবে ও কিছুর নয়

১১.

জিভ বের করে আমি দূ-একটি বৃষ্টির ফোঁটা ধরে ফেলি।

সিকি ভাগ চামচে আমার পাচকপ্রতিম প্রাণ
 ঐ ভাবে ঝোল টানে, বৃষ্টির স্দরুয়া চাখে, বলে
 আরেকটু হিঙ দিও, তারপর দমে রাখো, ততক্ষণে
 কুসুমপদ্মের বনস্থলী অন্ধকার হয়ে যাক, কাঠকয়লার আঁচ
 নিভে গিয়ে ছড়াক বিদ্যুত।

দূর মাঠে গ্রীষ্মসন্ধ্যা সরে গেলে, ভাবি
 সেইসব সাপেরা কোথায় যারা শূন্য জিভেই ছোবল কাটে

১২.

হ্যালো, জে. ডি. ঘোষ, মাই ফ্রেন্ড, হাউ আর ইউ,
 বাড়ির সব খবর, ছেলেপিলেরা, বোঁমা,
 এ-শর্মার কথা নাহয় উহা থাক, সল্ট লেকের
 ও-সব ঠেকে যাচ্ছ-টাচ্ছ, হ্যাঁ, যা খরচ,
 শালা গভরমেন্টের ইয়ে মারি, সিগ্রেটে ট্যাক্স,
 লীকারে ট্যাক্স, সার-য়ে সার্বিসিড, হাঃ. হাঃ,
 গোবরে আবার ভতুর্কি কী হে, তা তুমি জে. ডি.
 চেহারাখানা জবর রাখলে, এই বয়েসে, হবে না কেন,
 কত বড় বাড়ির ছেলে, তোমার মেজদাবাব্দু
 জার্মানিতেই রয়ে গেলেন, ছোট বোনটি কোন্ প্রদেশে,
 টাটা-ভিলাই, নাতি হয়েছে, ভাবা যায় না,
 সেই শ্যামলী, আমাদের সেই ছোট্ট শ্যামা, তবে তোমায়
 খুলেই বলি, সেই বয়েসে, মানে সেই য়েবার
 নাসিক গোঁছ, শ্যামার সঙ্গে একটু ইয়ে,
 না, না, প্রেম-ট্রেম নয়, সুন্দু চিঠি,
 মনের কথা নীল কাগজে, দু-এক ফোঁটা কোলন-ছোঁয়া,
 শেষ চিঠিটার জবাব দেয় নি, ভারী দেমাক,
 আর্মিও কিছু কম যাই না, শ্যামার মতো সাত-দশটা
 মেয়ে তখন পিছু নিয়েছে, পিতৃদেবের আলিপনুরের
 বাগানবাড়ি হাতে পেলদু, এয়ারলাইনস-য়ে নতুন চাকরি,
 শ্যামার সঙ্গে দেখা হলে তবু আমার শেষ চিঠিটার
 কথা তুলো, অবশ্যই সময় বদুঝে,
 ওটা কি হারিয়ে গেছে, নাকি পেঁছেছিল, জবাব দেয় নি,
 গ্রীষ্মের এই নীল আকাশটুকু দেখলে কেবল মনে পড়ে,
 ঐ-মতো নীল, হাল্কা কাগজ, বাঁয়ের দিকে বদুটিকাটা

১৩.

এ-প্রাচীর বীজগণিতের, এ-কামান দুই সদৃশের
 সমাহার, নিচে ব্যাসফসলের বৃত্ত, অশ্বী নদী,
 আকাশে এখন যত মেঘ ভেসে যায়
 তারা সমীকরণের মতো লঘু
 ফটকের দ্ব-পাশে কাণ্ডন লাভণ্যবন্ধনী
 দেয়ালের উপরে জানালা, জয় হোক উদ্ভিদের,
 আর সেই রমনীর যে-কিনা স্বয়ংক্রিয় লতার শ্বিতল
 ডালপালা বেয়ে উর্ধ্বে উঠেছিল

১৪.

এ-দেহ সুন্দর নয়, মন তাকে সাজায় সমৃদ্ধে,
 চন্দনবিষয়ে আর সাবানের জলীয় ফেনায়,
 ক্ষতমুখ মলমে ঢাকে, কালশিটে প্রসঙ্গে বরফ
 কিনে আনে, মন ঐ মতো শরীরকে ভালোবাসে,
 উহ্য রাখে কিছুর তার বদমায়েসির গল্প, কিছুর গোপনচারিতা,
 গত একুশে এপ্রিল রাতে কোথায় সে ছিল আজ আমরা তো জানি,
 মন বোকা সেজে থাকে, যেন সাতে-পাঁচে নেই,
 খুন-দেখা প্রতিবেশীদের মতো, শরীর সমস্ত বোঝে, ঠাট্টা করে,
 দন-হাত উঁচুতে ছুঁড়ে গান ধরে— ভোলা মন, ভোলা মন রে আমার

১৫.

নভ, প্রভূত কিরণ ও অটুট
ঝিল্লী, তুমি কর্ণিকার, চোখ, মৰ্ণ
ধাতুখণ্ড, জলধৌতী, পদ্য

শ্লাঘা, নাম ও দ্বুইটি বীজে
যোগাযোগ, ক্রিয়ারূপ দ্রব্যদণ্ড
গহ্বরখোদিত

ধায় উঁচু শব্দে বেজে-ওঠা, নিচু শব্দে গীতময়
পিতলঘণ্টা, ছুটে আসে ঘামঝরা পদ্রুপ ও
লক্ষ্মান দধঝরা রমণী,

তোমাদের স্বকের চেয়ে শব্দ এই যে কাণ্ডবাহী রস
তোমাদের ঘামের চেয়ে বিষময় এই যে স্দুরাসার

কর্মফল ঐ দেহতাড়িত গাছে

যখন এক আকাশ থেকে নামে শিশির এবং
আরেক আকাশ থেকে নামে আগুন
তখন আমরা সবাই ফুলের গন্ধ পেয়ে থাকি
আমি, হরিতকী ফল ও বৃদ্ধ গোসাপ

ঈর্ষাসবুজ এই কৃষিক্ষেত, অন্ধকার আতস কাচের বন ,
এরাই শস্য উৎপাদন করে, বৃষ্টি আনে, শীত চায়

১৬.

কথা-ভুলে-যাওয়া গানগদ্যলি, তার মনে পড়ে সুন্দর,
অশ্বধাবিত প্রস্তুতপথে লোহার শব্দ, ছুটন্ত খুঁদর,
রাগি বারোটা, শহরে মাতাল, পানের দোকান, সোডা ভাঙচুর,
আমি ভুলে গেছি কথা, সর্বজনীন এ-গান তাহলে স্মৃতিভারাতুর
উড়ন্ত ফুল

কোন কাননের ? লতা দোলনার ? জ্যৈষ্ঠরাতের ? সমস্তপুত্র
ছেড়ে গেল ট্রেন, গিতল কামরা, স্বপ্ন আসন, যাত্রী সুন্দর,
লিখে রাখি, প্রিয়, অন্য ভাষায়, লুপ্ত ছায়ায়, আলোকবাদুড়
ঠোঁটে নিয়ে আসে ঠোঙার কাগজ, ভাঙা পেন্সিল, শায়িত শিশুর
একমাথা চুল

শহরে শিখোঁছ যথার্থ গান, প্রতিটি সুন্দের অন্ধ বিধুর
শোকাতর্ঘ্য ঘর চিনোঁছ শহরে, গলি ও বাজার, কষিত আঙুর,
যামিনীচারিতা ; গ্রাম থেকে আমি কী-ই বা এনোঁছ, কথায় প্রচুর
পিছটান ছাড়া এবং এনোঁছ স্মৃতিবিভ্রম ভাষা-বিন্দুর
এতগদ্যলি ভুল

১৭.

এই যে তোমরা যারা লাউপাতা হয়ে জন্মেছ তোমাদের মধ্যে এক হিলহিলে
সবুজ সাপ ঘুরে বেড়াচ্ছে। আমার হাঁকডাকে লোক জড়ো হয়েছে। ইঁট,
ল্যাঠি নিয়ে দৌড়ে এসেছে ওরা সাপটাকে মারবে বলে। আমি আঙুল তুলে
স্পষ্ট তাদের দেখিয়ে দিচ্ছি এই যে চলে যাচ্ছে, দ্যাখো, লুটিক্সে পড়ল, আবার
মাথা তুলছে, দু-একটি শকুলের ছেলেমেয়েকে আমি এ-ও বোঝাতে সুরু
করি, দেখতে পাচ্ছ, এই সাপ, লাউডগা, কেমন রঙে রঙ মিশিয়ে বেঁচে আছে,
প্রকৃতির রহস্য। কিন্তু উপস্থিত সবাই হাসতে থাকে, দূর দূর, কোথায়
লাতপাতা, কোথায় সাপ, ও তো গোপালদের বাড়ির লোকেরা, এই তো
সারদা বাজার করে ফিরছে, জনাদনবাবু কুকুর নিয়ে বেড়াতে বেরিয়েছেন...

আশ্চর্য! আবার ভুল হল

১৮.

৪৬

মৌলিক স্বাস্থ্যচর্চা করে যারা নাম কিনেছে তাদের সঙ্গে দূ-এক বছর আমি হা-হা হি-হি করে বন্ধুত্ব ছিঁয়ে যে নতুন মেম্বারদের স্বেদবিন্দু বলে ডাকলে চটে যায় এবং বলে— রাখুন আপনাদের ও-সব ন্যাকা ন্যাকা বাংলা কথা, আমাদের সার বলুন, মাস্টার বলুন, ওঁদিকে কোচেন্দ্রমশাই শিখিয়ে দিয়েছেন ওদের ঘাটের মড়া বলে ডাকবি, প্যারালাল-বার ছুঁতে দিবি না আর নিজেদের জামাজুতোর দিকে সর্বদা নজর রাখবি, শালারা মহা হারামী, বাপ চোর, মা চোর, নিজেদের জন্মের ঠিক নেই, সবাই তো আর কেশববাবু নয়, (দূ-হাত কপালে ছুঁয়ে) রোজুবাবু নয়, আর এই আরেক শালা কাগের উৎপাতে, নতুন-কেনা গামছাটা পর্যন্ত তুলে নিয়ে গেল, সন্ধ্যাবেলা বড় এক গ্লাস দুধে ছ-টা আস্ত মুরগির ডিম গুলে, বাপস, আর বলবেন না গুরু, শুনাই মনে হচ্ছে দেড়-শ কোজি লোহা তুলে ফেললুম, দুই ব্যাটা, ডিমে-দুধে থাকলে লেবুকুমার হবি, আলতা কান্তিক হবি, এই ফেলা চাটুজ্জ হতে পারবি নে, ছ-মাস শূদ্ধ খালি হাতে ডন-বোটকি, আর দুধে-র মালিশ, তারপর তোর মা পর্যন্ত তোকে দেখে ঘোমটা টানবে যেন বাইরের কেউ এয়েচেন, আর আগ্রার দিকে যদি কখনো যাস তো আমাদের মেন অফিসে ছোট নেতাইয়ের ফটোখান দেখে আসিস, জাতে ছেল কৈবর্ত, পাইকেরদের ঝড়ি থেকে কড়ে আঙুল কানকোয় ঢুকিয়ে বাইশ কোজি কাতলা তুলতে পারতো, তা সেই উঠতি বয়েসে উনি বাই ধরলেন তাজমহল দেখবেন, দ্যাখ্ তোর ঐতিহাসিক স্থান, সান্নিপাতিক, দুই-দিনের মাথায়, যাকে বলে কিনা প্রবাসে দৈবের বশে, কার লেখা আঁচ কর দেখি, কার আবার, আমাদের রোবাববু, কুস্তি শিখিয়েলেন, উনি, মানে রবিবাবু, রেগুলাস সাহিত্যচর্চা করতেন

১৯.

০৫

বন্ধু, তোমার হাতের উপর হাত রাখলেই আমি টের পাই তোমার বাজারে
 অনেক দেনা, ছেলেটা উচ্ছসে গেছে, মেয়ে রাত করে বাড়ি ফেরে, আজ
 যা-বলার আছে তুমি আমাকেই বলো, স্ত্রীর মন্থরতার কথা বলো,
 সহকর্মীদের শঠতার কথা বলো, রাতে ঘুম হয় না সেই কথা বলো, আর যদি
 কাঁদতেই হয় তবে এই কাঁধে মাথা রেখে কাঁদো বন্ধু

২০.

যখন বিকেলবেলায় লোকে সিঙারা খায়, জির্লাপি খায়, জলকচুরি খায়, চায়ের দোকানে ভিড় করে আর রোল-কর্নারে দাঁড়িয়ে পড়ে, যখন কফি-শপ-য়ে জল ফোটে, উষ্ণ নুডল ঝরে গরম তাওয়া থেকে, যখন ক্যাসেটের দোকানে বলমলে গান বেজে ওঠে, যখন চুলবাঁধা ফিতেটা দাঁতে চেপে মেজিদি ছাদের আকাশের দিকে চেয়ে দ্যাখে— ওমা, ওঁরা সবাই এসে গেছেন, পড়ন্ত আলোর দেবতা, কমলেকামিনী, রাত্রির কিম্বর, বরাহ অবতার, রাফসদল, অশ্বিনীকুমার দ্ব-জন, তাঁদেরও আড়ালে মারাওবুর পাহাড়ের সিঁদুরমাথা পাথরখণ্ড, শিরিষগাছের ঝুলন্ত নরদেহ, গায়ে আগুনলাগা অসুন্দরপত্নী— তখন এই পুণ্য শহর কলকাতার উপর, সবাইকে নমস্কার জানাতে জানাতে, ধীরে ধীরে, অন্ধকার নেমে আসে

২১.

নোটো পাখির ডাক তো শোনো নি, শুনলে বুঝতে— এইভাবে সে আমাকে ভয় দেখায়, আমিও ভয় পেতে ভালোবাসি— কামড়ে ধরে না ? তোমার ঐ পাখি ধারালো নখে আঁকড়ে ধরে না ? —কী বলছ, ও ভয়ঙ্কর পাখি ছিঁড়ে খায়, খুবলে নেয়, আঁচড়ে দেয়, মারাত্মক বিষ তার নখে, জিভে, ইয়ারকি কোরো না, সামনে পড়লে বুঝতে— ক্রমে তার অন্ধকার ফিসফিসানি শেষ হয় এবং ঘুমের আগে আমি নিজেই নিজের ভয়-পাওয়ার মাল্লা বাড়িয়ে চলি, আহা একবার যদি ঐ পাখি কামড়ে ধরতো তবে আমার এই ভাঙা পা-টা বুঝি জোড়া লেগে যেত, আমার যকৃতের অলশুল তো সে-পাখির ঠোঁটের ছোঁয়া না লাগলে ভালোই হতে পারে না, আর এই টারা চোখ দুটোকে কে সমান করবে ঐ পাখির রক্তাক্ত নখগুলো ছাড়া, কিন্তু আমার এই প্রকাণ্ড মাথা, তার হারামজাদা বুদ্ধিবৃত্তি, তার শুল্লোরের-বাচ্চা বিবেচনাবোধ এ-সব নোটো পাখি ছুঁয়েও দেখবে না আমি জানি, সেগুলোর কোনও ব্যবস্থা করতে হলে আমাকে শেষ পৰ্যন্ত পকেটের পয়সায় ডাক্তার দেখাতে হবে, হয়ত ভেলোরেও যেতে হতে পারে দু-এক মাসের মধ্যে

২২.

ছোটো, চাকালাগানো, তেপায়া, ফোল্ডিং, হাল্কামতো, টেনে নিয়ে যাওয়া যায়, ঘরে ঘরে, বারান্দায়, বেডসাইডে, ট্রলি জাতীয়, মাঝারি মাপে, একটু বড়, দাম বেশী, খুঁলে ব্যাগেও ভরে নেওয়া যেতে পারে, ঐভাবে আসে, দোকানে বা ডাকঘোণে, নিজেদের জুড়ে নিতে হয়, দক্ষতার প্রয়োজন নেই, একটা ছোট রেঞ্জ হলেই হল, মেয়েরাও পারে, বাস-য়ে পায়ের কাছে নামিয়ে রাখা যায়, মানে ঐ কার্টন, বাড়িতে এনে খোলা এবং জোড়া, গায়ে দাম ও সাইজ লেখা, রঙ নীল ও সাদা, (লালটা বাজারে আসে নি, এসে যাবে) একটি মেয়ের ছবি, হাসিমুখ, কোথায় যেন দেখেছি, লিরিল কি, জুড়ে ফেলেছে, দ্ব-হাত উপরে তুলে আনন্দ প্রকাশ করছে, মেয়েটি, ঐ বাক্সের, ছবি, উল্টালে ফলঝুড়ি, আনারস, কালো আঙুর, একগুচ্ছ দানাদার শস্য, ছবি আরকি, উপচে পড়ছে, পাশেই সুরাপাত্র ভুগার হাফ চুমুক সাকীগেলাস, সরবত কি, আশ্চর্য, রোগীর মাথার কাছে, আরেকটি ছবি, অমৃদু, নাইটল্যাম্প, অ্যালার্ম ঘড়ি, বাক্সের আরেক পিঠে, একটু বেঁকে, ওরলি (বোস্বে), খুঁকি কেমন সুন্দর লেখাপড়া করছে, খাতা-বই-রুলার, অঙ্ক কষছে, বাহবা, উত্তর মিলেছে, ঐ ছবিতে এবং আরেকটু ঘোরালেই, অর্থাৎ চতুর্থ দিকে, ঐ বাক্সে, প্রস্তুতকারক বাবাসাহেব অরোরা-র গোঁফে তা দেওয়া রেখাচিত্র, ধর্মভীরু ওম্ এনটারপ্রাইজ, বোস্বে (ওরলি) প্রথম ভারতীয় প্লাস্টিক আসবাবের জনক, ঐ বাবা, কিনে ফেলি তাহলে, রক্ষা করো বাবা, এইটুকু ফ্ল্যাটে আবার একটা টেবিল, আমরা কি সাহেব

২৩.

বৃষ্টি নামল আর আমিও এক আশ্চর্য সত্যকে আবিষ্কার করলুম,
 দেখলুম, এই লাইনটানা পাতার উপর বড় বড় ফোঁটায় জল ঝরছে,
 গত মাসের মৃদুদীর হিসেবের সঙ্গে আমার ছোট ছেলের ক্লাস-পরীক্ষার নম্বর
 বেমালুম মিশে গেল, পাটনা যাতায়াতের ট্রেনভাড়ার অঙ্ক কালো
 সুতোর রেখায় ভেসে চলেছে, গৌতমের টেলিফোন নম্বর আর কি কেউ
 পড়তে পারবে, ও-টি এখন এক নীল পদ্মকিরণী, আমার অবচেতন
 মন যা যা চেয়েছিল তার প্রতিটি রহস্য দেখছি এই গ্রীষ্মশেষের
 বৃষ্টি কোনও এক কৌশলে জেনে ফেলেছে, সে এর চেয়ে বেশি কিছু
 জানে কিনা ভাবতেও ভয় হয়

২৪.

আমিষ, তুমি প্রশংসনীয়
ফল, তুমি লোকার্যতিক
বচসা, তুমি বিদ্যুতবাহী
আমি গীতময় এক সৃষ্ট জগত

চঞ্চলতার নামগানে ভাসি
কৃষিকাজ আমি নিভুতে জেনেছি
নিরামিশাষীর মৃৎখোমৃৎখি এই
উদ্ভিদপ্রাণ রটনা গাছটি

নটেশাক, তুমি অকূলপাথার
বুনো ওল, তুমি আমাকে বলো
সত্যবাদিতা কেমন আধার
মাটির নিচের শিকড়বাকড়

ছোটোভাবে হাসি, নিজেকে বোঝাই
‘তুমি দেহাতীত, কটুভাবনার
প্রাকারসম্বা, বিরতযুদ্ধ,
দৃগ্ অটুট, অস্থ অটুট,

তুমি পাখিপ্রাণ, তুমি উদ্ভিদ,
কৌশল আর কুশলতা টিয়া
নাও, খুঁটে খাও পূরুণিপতাদের
হাতে-ধরা ফল রক্তঠোকরে।’

২৫.

ওঠো প্রাণ, জেগে ওঠো প্রত্যন্তপ্রদেশে,
খোলামেলা হাসিগানে, কালীপ্রসন্নের শ্লেষে,

জেগে রও দিনমান কর্মে ও ভাষায়
বৃষ্টিনাশা ধানক্ষেতে যতদূর চোখ যায়

কাঁঠাল ছায়ায় জন্মে, কাঁঠালছায়ায়
বর্ষিকমের প্রেতবিস্ব লুটোপুট যায়

দীনবন্ধু সৌধে চড়ে, হরিশে মধুপ
ঈশ্বর চেনালে ভাষা, আলোড়িত কূপ

শিবনাথে নমস্কার, প্রণাম ভগিনী
জোড়াসাঁকো ধূলিকণা স্বর্ণতোলে কিন

রয়েছেন এঁরা সব প্রাতঃস্মরণীয়,
পিতৃকুল মাতৃকুল পরম্পরাপ্রিয়,

গেয়েছি সামান্য গান, হয়েছি উন্মূল
পাঠান্তে দান্তে-কবি, আর্নো দানিয়েল

শত নাম উহ্য থাকে স্মরণসকাশে
শ্রেয়োত্তর অন্তিমিল সহজে না আসে

জাগো প্রাণ, তুণ্ট হও, যদি চাও আরো
কঠিন বিচারে এই বিহগে বিচারো

রেখেছে শারদশশী নৌকা ভাসমান
বিচারান্তে নিয়ে যাবে পশ্চিম মশান